

Die gudd Nochrict uff saarländisch

´S iss schun long her; ´s war domols wo de Kaiser Auguscd rechiert hat. Der wollt hon, dass sich die Leit in seim Reich all melle solle, weil er wollt, dass se ihre Steiere bezahle solle. Jeder hat dort hi´ misse, wo er dehämm war; also dort hi´, wo er gebor´ wor isch. Un dort hat er unnerschreiw misse. Ah die Sepp hat sich uff de Wää gemach. Vun Nazareth, das is in Galiläa hat er no Bethlehem misse. Bethlehem, das is e gonz aldi Stadt, do is schun d Keenich David gebor worr. Er is z´ samme mem Maria, das war sei Verlobde, gelaaf. De Maria hat ma schun ang´ sieh, dass se bal´ e Kind kried. Un wie se in Bethlehem ankumm sin, do wars a hegschdi Zeit. Weil se arm ware und weil so viel Leid unnerwää´ ware, honn se imme Stall iwvernaachde misse. Do hats Maria sei Kind kriet. Es war e Biebche. Dass er net kalt kriet, hat´ s ne in Winnele gewiggelt un in ne Fudderdrooch gelet.

Net weit wegg ware Hirde uff de Wies. Die hon dort uff ihr Schäfcher uffgebasst. Uff ämol is was bassiert, das werre die Hirde bestimmt nimmi vergesse. Es is gonz hell worr, gonz viel Licht war do. Und do drin hon se e Engel gesiehn. Do is ´ne gonz schee die Muffe gong. Awwer de Engel hat se gleich beruicht: „Ihr brauche doch kä Ongscht se hon. Ich muss eich was Scheenes verzehle. Das freit eich gonz bestimmt. In Bethlehem is e Kind, e Bub, uff die Welt kumm, der werd eich helfe, der kann alle Mensche redde. Und das is e Zeiche fer eich. Im ´me Fudderdrooch finne ´ner das Kind. Es is in Winnele ingewickelt. Un pletzlich ware bei dem Engel noch viel onnere Engel, die hon aus vollem Hals g´ sung: Ehre sei Godd do owwe in de Heh und Friede do unne uff de Erd.

Wie die Engel donn werrer fort ware, z´ rigg in de Himmel, do hon die Hirde zunonner gesa´ t: Hopp, mer gehen jetzt dabber no Bethlehem un gugge, was do bassiert isch. Ob´ s a stimmt, wos Godd uns hat so´ n lasse. Die Hirde hon de Stall gefunn, wo´ s Maria, de Sepp un ´s Kind war. Do hon se alles verzehlt, was de Engel ne iwver das Kind gesa´ t hat. Un all die do debei ware honn große Ohre krieet, wie die Hirde das alles bericht hon. ´S Maria war gonz beweched un hat alles in ihr Herz uffgenumm. Das werd´ s a nimme vergesse.

Die Hirde sin wirrer z´ rigg zu ihre Schefcher. Sie hon gesung, gebet un hon Godd gedankd fer alles, was se gesiehn un gehert hon. ´S war doch alles gonz genau so wie´ s ne de Engel gesaat hat.

Iwwerdra
vun Rödels Hedi